

從公三錄序

漢興革秦倣郡置太守爲親民官祿二千石兩漢因其時以循吏稱者如龔黃召杜指不勝屈雖年讀其書而疑之謂所謂循吏者漢以後漸不數覩豈古之人不相及耶己巳秋奉出守惠州之

命尤惴惴焉以弗克勝任爲懼謂向之不數覩者今竟於我是責耶次年春度大庾嶺入粵每聞道路間噴噴稱廣州太守賢與龔黃召杜無少遜始竊竊然心喜

從公三錄

序

十一

之蓋廣州太守者己未同歲生丹徒戴少梅郎中之尊甫友梅先生也向所謂古今不相及者今且得親而炙之也向所惴惴焉思弗勝任者今且趨步焉而循有轍軌也笑啻生我於數千載之上執贊於龔黃召杜之門下而受其提命耶抵羊城謁先生於郡齋聆其論說睹其丰采無疾言無遽色抑抑然若惟恐不當人意然每有所設施則往往不恤人言不顧艱鉅必毅然以自見其所不可者又斷斷焉無所遷就

迺知所由無異於龔黃召杜者不外是也時少梅假

省來粵因得就少梅請觀先生之治譜遂盡讀所著

從公錄從公續錄諸本淮年蒞惠數閱月幸無隕越

先生之書之益我也茲復以從公三錄稿本寄示並

屬淮年爲敘淮年不敏以京朝官初授外任於民事

無所悉矣足窺先生之底蘊然得其餘緒如淮年之

駕下方且得奏薄效則先生展其素抱由監司而淳

至封圻其實惠及民能不負

從公三錄

序

一

朝廷之倚畀者胥於是可操其券焉豈僅以良二千石著哉淮年未能敘先生之書竊敘淮年之受益於先生者如此

同治九年中秋後二日大城年愚姪劉淮年謹識

吾兄友梅觀察前刻有從公錄紀其守登州時守城事繼又有續錄之刻則其守廉州瓊州時事也今又刻有三錄則並其守廣州事皆在焉是三錄予皆得而讀之序之曰世所稱吏治善於牧民者多不長於治兵工於聽斷者或不善於撫柔又有始焉政跡可觀及移治他郡聲名遂不及而有初鮮終者若是者皆不得爲循吏咸豐辛酉八月南撫犯登州友梅率從公三錄

序

一

僚屬紳士登陴守禦凡四十餘日而賊退應變之才固已不可及矣至其守廉也廉州之弊無不除而利無不興其治瓊州廣州也亦然蓋友梅宦跡所至皆欲有所以自表見於世故居官一曰則盡一日之心力在一方創造一方之福善政善教利賴在民如是由是觀之友梅他日於監司當爲之事必亟爲之以克副乎監司之任如其守登康瓊廣時可知也則友梅所建樹又將有大於此者在吾亦信之於實可微

信之三錄而已

同治九年秋八月弟楫汝舟謹識

目錄

丹徒戴肇辰存稿

請提款作府義學經費稟

瓊州府義學章程

發除邪論札

嚴禁演唱土戲示

從公三錄 目錄

飭十四屬勸捐修輯廣州府志札

採訪示

廣州設立講堂示

廣佛石龍等埠設立講堂准於稅項作正支銷稟

廣州設立講堂並義學稟

講生諭

嚴禁標貼長紅示

嚴拏訟棍示

從公三錄

序

二

禁械門示

請派撥員弁赴南番等縣緝捕並議功賞條約稟

飭各縣嚴緝盜匪札

飭各縣嚴懲蠹役札

瓊山景賢賓興記

廣州設立講堂記

重刻名文小題讀本序

羊城書院試藝序

從公三錄

目錄

廣州重修府志序

稟請提款作府義學經費由

敬稟者竊卑府於抵任後查得瓊地視他瘠

故民間貧苦幼童並不識字讀書當卽督飭各州縣

籌建義學先在郡城設府義學延師開館爲各州縣

倡並刊發文昌孝經書塾座右銘小兒語陰陽文四

言詩俾塾師逐日講明將藉其言之易入以動其天

性端其服習猶水之有源室之有基草木之有萌芽

所謂成人在始者此也惟經費必須有資方可持久

從公三錄

十一

不廢查前升守賈棠建義學於府署大門內置北冲

田二十五畝後義學廢田歸瓊臺書院爲日已久未

便取回自應另行籌款稟請立案以垂永遠

卑府現

查府中閒款存銀五百五十兩卽發典生息作府義

學經費從此小子有造由小成而大成實爲振興文

教之基較之一切善舉尤關至要除飭各州縣速爲

捐建義學並將經費籌足稟報立案外謹將撥款作

府義學經費緣由稟請

憲臺察核批示立案實爲公便

瓊州府義學章程

一籌銀五百五十兩發典生息作府義學經費自七年正月初一日爲始息銀盡歸義學開支嗣後無論何衙門一切公事均不得藉詞動用

一府義學設立城內或在祠堂或在廟宇或在會館按年擇地開設

一延請塾師由本府擇定老成自愛生員於年前下關開館以正月中旬爲期散館以十二月中旬爲期如有情於督課者隨時查明另延

一每年脩金三十六兩贊敬一兩節敬三兩由本府發瓊臺書院監院按月按節支送收字紙工人月給工食錢一千文亦由本府發監院按月支給一本府刻印文昌孝經座右銘小兒語續小兒語及陰陽文四言詩散給各幼童誦讀責成塾師逐日講究

一在義學內設立敬惜字紙爐一座僱工人一名接

從公三錄

二

從公三錄

三

日收字紙請塾師督令工人焚化並將字紙灰用罐裝好以便沉之於海

稟瓊州建義學由

敬稟者竊卑府設府義學一所爲各州縣倡業將籌辦情形稟呈

從公三錄

五

憲鑒嗣復迭飭所屬督同紳士速爲籌建務須實力奉行不得藉詞諉延茲據瓊山許令稟報設十四所文昌奎令稟報設二十所樂會李令稟報設十四所定安段令稟報設六所儋州蒲牧澄邁秦令會同張令各稟報設五所萬州李牧稟報設四所臨高胡水鄆令各稟報設一所均將設立地方延師姓名開館日期詳悉開報所需經費或集成捐款生息或在賓興及各鄉公費內提用業經給示立碑用垂久遠辦理尙屬周妥卑府伏思爲治必歸於能教而小學者學問之始教化之權輿誠能廣立義學以導率幼童將千里之程雖遠行之不已則至善俗之效雖緩爲之不懈則成由其始以圖其漸而民德所由厚士

習所由純人才所由出胥基於是現合屬共設義學

九十六所卽府仍當隨時督飭添設以期多多益善

除札各州縣嗣後於年終將來年延師姓名通稟立
項屬設立義學九十六所緣由理合稟報

憲臺察核

從公三錄

六

發除邪論札

爲札發事照得瓊俗每多崇淫祠工禱禳久經示禁
在案茲據生員吳登月等送呈雲崇維除邪論二篇
本府業已刊印合就札發札到該州卽將所發除邪
論分散城鄉學舍俾得誦習講明以爲端風化之基
仍出示曉諭士民人等務崇正學而黜異端如有匪

徒藉邪說煽惑愚民亦卽查拏嚴辦絕勿寬貸切切

從公三錄

七

毋違特札

嚴禁演唱土戲示

爲嚴禁演唱土戲事照得演唱土戲傷風敗俗迭經前府示禁在案茲本府訪聞有不法匪徒仍以酬神爲詞藉端漁利沿門科派謂齋壇不肅則鄉坊未獲平安致使土戲復行演唱查土戲務造新奇以貞廉節義不足動人觀聽以狎褻淫穢爲足悅入耳目自夜達旦男女雜處往往喪廉失恥甚至請班取箱爭先恐後各持棍以相鬪致傷人命似此情形流弊伊從公三錄

八

於胡底若不嚴行禁止何以除積習而挽頽風除札飭各州縣訪拏掌班及斂錢首事從重究治外合亟出示嚴禁爲此示諭屬軍民人等知悉爾等務宜祀祖先孝父母敦名教正綱常是爲趨吉避凶福有攸歸斷不可藉演唱土戲媚鬼神以求福以至人心陷溺貽害地方本府維持風化言有盡而心無盡該軍民人等其各凜遵毋違特示

札十四屬勸捐修輯府志札

爲通飭捐解事照得周禮邦國之志掌於小史四方之志掌於外史而小行人以籍治其國此後世郡縣志所由昉也廣州府志自乾隆二十三年修輯後迄今厯百二十餘年其間水陸之變更物產之盛衰城邑之沿革隄防之興廢政治之得失賦役之重輕固已世異時遷景移物換况咸豐四年土匪四起七年洋人進城凡府屬官練紳民婦女殉難殉節指不勝從公三錄

九

屈其急公好義毀家舒難者亦美不勝收是又昔日之所無爲今日之所以有忠勤備著記載缺如讀志者能無掩卷而嗟乎夫莫爲之前雖美弗彰莫爲之後雖盛弗傳欲承乎前以啟乎後表厥美以大厥傳非亟亟於修志不可今距前次修輯雖厯四朝而舊志所未載者得採案牘以編之案牘所未載者尙有父老能言之倘再曠日因循不加攷訂竊恐老成凋謝文獻無徵亦守土者之咎也本府商同紳士擬延聘

碩儒究心舊志補苴罅漏益前人所未備續增新事

廣後日之傳聞惟查府志板久已焚燬無存將來採

輯告成卽須刊刻一切需用經費繁多茲府縣首先

倡捐並飭各縣勸諭紳富竭力捐資一俟捐有成數

卽在省城擇地設局查照修輯舊章遴派執事議擬

條款分別辦理除按照縣分大小酌定捐資數目分

飭各屬捐解外合就列單札飭札到該縣卽便遵照

單開銀數首先倡捐一面飭諭各紳解囊捐助務照

從公三錄

十一

所派之數核明大鄉應派若干小鄉應派若干出示
張貼使鄉民一體知悉以杜多收肥已之弊該縣並
刷縣志二部呈核如板片已經毀壞亦卽設法購繳
均毋違延仍將接札遵辦情形先行稟覆察奪切速
特札

採訪示

爲訪求遺逸以備脩纂事照得時事載諸志乘墜繙

必貴蒐尋廣州府志書自乾隆二十三年脩輯後迄

今百有餘年景物既多變遷建置不無沿革或賢才

傑出或名節招彰或科第聯標或仕宦顯達與夫地

方水陸之移易風俗土產之更新固已年異世殊考

徵多失况咸豐四年土匪滋事七年洋人進城各縣

捍禦之才奇難之節以及急公好義毀家紓難之舉

從公三錄

十二

尤恐事以久而漸湮年以遠而失實此本府之急於
脩志也前經倡捐經費並札行各縣一律倡捐勸捐
想諸紳民明理讀書維持風教所費有限關系匪輕
無不樂於解囊襄成美舉本府現於同治八年十一
月二十九日在省城府學宮開設脩府志局敦聘名
儒夙學分任總纂分纂惟脩志以采訪爲先而采訪
以周遍爲要誠恐窮鄉僻壤逸事不少村農椎魯體
例未諳用是博採周諮遠搜廣集除刊刷采訪條約

札發各縣轉發各紳士查訪彙繳外合行示諭爲此

示仰閩屬紳士軍民人等知悉爾等如鄉村親族中

忠孝節烈之男婦仁義智勇之人才曾禦大患大災

曾殉大難大節與夫鄉賢名宦苦楚幽貞人事物產

之新奇天時地利之災異但查核頒發條約所應載

不拘近年遠年詳敘事蹟實據或交團練局紳士彙

報縣署或逕報縣官或由該紳民逕報省城脩志局

以憑逐一核明纂入府志統限示諭以後於三個月

從公三錄

三

內報明逾限不准續報一言既入千古流傳各宜上

陳毋稍隱漏特示

廣州設立講堂示

爲設立講堂以廣教化事照得懿德由於秉性習尚固於見聞彼鄉愚旣不獲讀書其心志將何所則效卽中人亦胸無真宰其趨向每易以遷移故熙來攘往之輩半多可莠可良是在官司之有以訓迪如江海之有所堤防斯民豈盡無良保赤端在善敎我

世宗憲皇帝編輯

聖諭廣訓融會經史繼述典謨凡在士農工商均宜口誦心

從公三錄

三

維家喻戶曉雖朔望有宣講之例而窮鄉僻壤未及

周知椎魯愚頑尙稽覺牖是宜通衢大路常川設立

講案延聘儒士逐日宣講

聖諭繼

以陰隲果報各善書庶語以淺而易入化以漸而轉深除議立條規札飭各縣卽日於眾人聚合之所或

在衙署埠頭廟祠墟場擇地延訪明達世故聲音清亮之生監文童按日定時開講

聖諭無任間斷外合行出示曉諭爲此示諭轉屬紳耆軍民

人等知悉本府職司守土視紳民如一家恨不獲遍

厯鄉陬與爾百姓談論常申陳理法茲與各縣令

捐廉延士講解

聖訓宣導善言爾諸色人等間某處講書卽前往共聽悉心

領會聆

唐虞之謨訓應知共享昇平聞孔孟之真傳不啻躬親誦
讀從此興仁講讓草薄從忠會看懦立頑廉風行俗
美木府有厚望焉紳民其共勉之毋違特示

從公三錄

古

稟廣佛石龍等埠設立講堂准於稅項作正支
銷由

敬稟者竊卑府自本年春間履任後曾札行各縣於
城鄉墟市設立公所延聘儒生宣講

聖諭廣訓及各種果報善書以期鄉愚聲入心通稍資感化

所需經費或由官捐助或紳富協捐數月以來各縣
或報設數所及十餘所二十餘所不等除俟各縣一
律辦齊另行通稟備案外查卑府先於署前設立講

從公三錄

古

案一所以爲之倡延聘番禺生員李超按日宣講每
月脩脯十金由卑府捐廉支給現查廣埠佛埠石龍
埠稅廠處所均係商民聚集之區似宜各設講案俾
資聽聞該三處應需經費擬請於各埠稅廠盈餘項
下就近撥支以同治九年正月爲始按月列冊造報
是否可行伏乞

憲臺批示祇遵

稟廣州設立講堂並義學由

敬稟者竊維圖治以教化爲先教民以鄉愚爲亟粵省風氣犷悍鬪狠剽掠視爲故常固由習俗相沿而愚民幼旣棄學及長不聞善言放蕩邪僻靡所不爲未嘗非失教之咎也伏讀

世宗憲皇帝聖諭廣訓融會經史繼述典謨凡在士農工商均宜口誦心維故定例朔望宣講原以警聾贖而啟顧蒙惟鄉村未及周知宣講亦多曠日是宜於遐陬從公三錄

去

僻壤多設講案逐日宣講

聖諭廣訓及各種善書方無負化民成俗之心

卑府任廣伊

始先於府署頭門捐廉延聘儒生設案開講復以省佛石龍稅廠左右爲商民聚集之所設立講案三處並通飭南番等十四縣督率所屬官紳於城鄉廣設講案延聘老成篤實口音清亮之儒生作爲講生逐日開講現據南海縣具報城鄉共設三十三所番禺縣具報共設二十所東莞縣具報共設二十八所順

德縣具報共設一十八所香山縣具報共設二十所新會縣具報共設八所花縣具報共設一十四所甯縣具報共設一十六所清遠縣具報共設十所三水縣具報共設四所新安縣具報共設四所增城縣具報共設四所龍門縣報設一所從化縣報設一所計逐日開講一百六十五所逢墟期開講一十六所共設一百八十一所尙有未經開辦及甫經開辦尙未具報者現在趕緊催齊再行續報務期家喻户晓從公三錄

去

耳入心通未敢謂易俗移風而鄉愚常聞善論或可以感發其天良而潛消其戾氣較諸逸居無教似覺稍可挽回又各縣城鄉立義學係爲貧家子弟無力從師者設卽古人家塾黨庠之義闡示於小學匪輕乃訪聞各縣此舉久廢各鄉貧苦幼童讀書者少無怪習爲強梁罔知法度

卑府

迭飭各縣逐一設立已設有八所新安縣設有三所清遠縣設有三所番禺

據東莞縣設有一十五所三水縣設有九所新甯縣

縣設有一所共設義學三十九所其未設各縣各鄉

卑府仍當婉爲勸辦漸次舉行斯教以漸而易入語

自幼而不忘牖其聰明植其根基於風化人心不無

裨益所有講案義學二事需用經費均由地方官與

紳富量力公捐惟事必貴乎認真行必期諸持久合

將講案義學地址講生塾師姓名開列清摺稟呈

憲臺察核立案擬請嗣後每逢正月各縣將講堂義

學地址講生塾師姓名列摺通稟一次凡各縣交卸

從公三錄

六

由新任將講堂義學地址講生塾師姓名列摺通報
一次祇准增益不准減裁似此由暫而常有舉莫廢
在官紳所費無幾而斯民受教育多是否有當伏祈
批示祇遵

聖諭廣訓及各種先正格言果報善書復於省佛石龍各埠

儒生設立講案逐日宣講

從公三錄

七

設立講案三處並頒發條例通飭南番等十四縣督
率所屬官紳於城鄉墟市廣設講案延聘老成篤實
口音清亮之儒生作爲講生逐日開講現據各該縣
陸續報稱共設有一百八十一所有官爲捐廉倡設
者有提支地方公項舉辦者有紳士捐資倡率者有
公局紳士輪流開講者有鄉耆自行開講不受脯金
者良以好善之心爲人所同而勸善之舉又諸紳士
所樂與有成者也本府甚嘉尚焉前據順德縣轉據

講生諭

照得敎化之本勸善爲先勸善之方鄉愚爲亟廣州

人文蔚起甲於通省而近來盜賊繁多訟獄滋興且

番東等縣亦不免有械鬪擄贖之習是殆父兄之敎

不先子弟之率不謹耶抑亦守斯土者失敎之咎也

本府於上年春下車之始先於府署頭門捐廉延聘

儒生設立講案逐日宣講

紫泥司巡檢稟稱大洲鄉講生文童黃孫蘭年近古

稀認真講解特給匾額一方花紅一副以示鼓勵現

又將各屬講生姓名出身通報

各大憲立案用垂久遠該講生等務宜逐日將

聖諭廣訓及先正格言陰陽果報等書常川宣講總以講解

明白切近使婦孺亦欣然得解爲主勿始勤終怠勿

虛應故事

文昌帝君功過格有云感化一家行善三十功感化

從公三錄

辛

從公三錄

壬

一人成德五十功勸人改一過一功息人一鬪三功
息人一訟三功勸一爲非者改行五十功勸人改一
惡業五十功爾等今日爲人講陰陽他日卽自己獲
果報功孰大於此耶善孰甚於此耶特行申諭嗣後

各屬講生如有實心講解眾情悅服者准由地方官
隨時稟請給予花紅匾額以獎勸之本府爲地方求
善治該講生爲本府勸善言能盡一分心必能獲一
分效從此父詔兄勉輒轉傳導俾惡者改行爲善善

者益勉爲善地方之福本府之望也此諭

嚴禁標貼長紅示

爲嚴禁標貼長紅之惡習以肅法紀事照得城鄉地方公事應由紳耆保甲鄉正族長公同會議如會議各有偏見儘可呈告有司聽候示遵乃有愚妄刁徒往往懷挾私情阻撓公議不遂所欲卽於通衢大路標貼長紅或隱匿姓名或冒稱公啟或意圖挾制或暗許陰私其心可誅其風不可長查匿名揭帖告言人罪律應環首假以建言爲由報復私仇例應充軍

從公三錄

卷

此外或散布投詞或譏彈時政均屬罪有應得法在不容本府前守山東登州及廣東廉瓊各郡於弊政頹風無不設法挽回盡心清理紳衿等因公稟謁亦必立刻接見溫言熟商誠欲視官民如一家使上下無壅蔽豈容無知妄人挾私傾軋肆口雌黃致正士因而寒心鄉愚被其搖惑亟應查拏嚴禁以杜陋習而正人心除札飭各縣密拏急辦外合行示禁爲此示諭閩屬軍民人等知悉爾等遇地方公事是非局

直鄉黨自有公評卽其中偶有偏徇亦儘可告官伸理斷不可妄生議論煽動人心冒寫公詞欺謬官員自示之後倘有劣衿惡棍謬敘事蹟標貼長紅混稱投詞刊刷散布本府一有聞見定必督飭各縣密加查訪務得主謀之人按法重懲並將得賄刊刷之刻字匠人一體拘究決不寬貸各宜凜遵毋違特示

從公三錄

卷

嚴拏訟棍示

爲嚴拏訟棍以除民害事照得安民以理訟爲先而欲清訟源必痛惩訟棍以刀筆爲生涯以煽惑爲

浮動卽易聽挑唆蓋訟棍以刀筆爲生涯以煽惑爲

長技潛藏城市遇事生風人本氣平激之使怒畔本

微細攬之成仇迨具控到官便視爲利藪於是經年

累月糾纏不休節外生枝蘊釀滋大鬼蜮之謀胡底

誇張之幻何窮卽兩造情愿干休而忿壑未盈波瀾

從公三錄

舌

從公三錄

舌

倘仍怙惡不悛故智復萌爾之出處跡踪已在本府掌中爾之罪孽案由備載本府檔卷禍福不測後悔無追各宜凜遵毋違特示

又起卽官司秉公斷結而禍根未拔舊案重翻種種禍端擢髮難數本府前守各郡獄鮮稽留今調會垣事更繁重第理劇必握其要正本胥清其源現已訪得積慣訟棍住址姓名因不忍不教而誅姑先出示以誠爲此示諭府屬軍民人等知悉爾等具有知識何事不可管生奈何澌滅天良作此忍心事業縱督圖溫飽亦貽害兒孫卽倖漏刑章仍難逃天譴自矛之後務宜洗心涤慮猛省回頭痛改前非另圖正業

禁械門示

爲諭禁械門以安民生事照得處世以和爲貴君子惟刑是懷因細事而忿爭大傷和氣挾微嫌而狠鬥自蹈刑章况乎糾衆欵錢約期械鬥以一家而聯數姓以一事而延數鄉焚拆祖祠毀搶家物敗則被殺多命勝亦勒交充匪勢難兩全害必兼及傷風敗俗莫甚於斯從前惟潮屬各縣有此風繼則廣屬東莞新安有之近年番禺香山增城新甯等縣亦多有此

從公三錄

毛

習起衅本屬細微貽禍直至慘殺其在鄉愚罔知利害蠻觸相尋固屬矇昧無知而紳富士族亦往往相率效尤互相報復試問同此鄉里同此儔類亦何必逞一時之忿而貽終身之羞乎更有訟棍刁徒從旁搆弄迨至激成禍端在事者家破人亡而在旁者轉得因而溫飽尤爲法所難容情所難恕種種惡習實堪痛恨亟應剴切勸諭以挽頽風而資警覺合行示禁爲此示仰閣屬紳民人等知悉爾等須知理無偏

勝事貴持平如偶爾睚眦小忿即可冰釋卽事關眾忿公議自有定評且心有不平事有難決亦應鳴官剖訴判爾是非豈可挾小嫌而糾連無賴懷私恨而搆怨頻年兵戈之動終凶殺戮之報最烈自示之後父勉其子兄誠其弟毋挾詐欺愚母恃強凌弱毋聽人播弄毋任性肆橫天鑒不爽毫釐官法尤無寬假其族耆公親人等遇有鬥案將起尤須善言解釋多方消弭本府保民若赤教化惟殷願比戶各息爭端從公三錄

毛

俾斯世共興仁讓勉副厚望毋蹈前愆其各凜遵勿貽後悔特示

稟請派員弁赴南番等縣緝捕並議功賞條

約由

敬稟者竊粵省自軍務平定大股匪類逐次殄除惟土匪潛長暗滋劫擄在所不免卑府屢任後督同所屬講求捕務無如芟除雖切萌孽偏多是當於有司偵捕而外另求購緝之方庶在官盡一分之心間間受一分之益因思上年春間蒙

憲臺通飭各屬將著匪棍衿逐一開報已據先後列

從公三錄

天

從公三錄

天

官民聯爲一氣良莠自不相容較之限紳族姻送較有實濟查省城緝捕局鄧泰將部下儘有熟悉地方人情長於緝捕之弁各縣各鄉亦非無能事圖功之人但得受以事權重其賞罰鼓其奮發之氣未必無尺寸之功卑府督率南番兩縣連日熟商議擬章程八條謹呈

憲臺察核如蒙俯加採擇請先從盜風最熾之南番東順新香六縣辦起六縣有效各縣可次第舉行是

從公三錄

天

否有當伏候

訓示祇遵

一廣屬盜風以南番東順新六縣爲最整頓捕務

須從該六縣辦起查上年春間奉

摺稟呈而縣營仍限於心力不能悉數擒獲者蓋由安分之紳士恐匪黨挾恨而不敢拏不肖之劣衿食從中分肥而不肯擎官與紳情相離良與匪轉相混故各盜得以乘間肆擾而靡所不爲卑府再四思維

似宜由省遴派員弁前往各縣會商地方文武並由

安良省局函致各縣各鄉紳衿合力熟商密籌善策

何處有賊如何往拏臨時相機而行勿勒衿族限交

勿糜有司繁費使毫無畏葸顧慮盡智力爲我用庶

員並飭地方官督飭團局紳士會同省委武弁設法懲賞賛拏網送如某鄉賊匪卽責成該紳衿該犯族長會辦不得托詞推諉

一著名有匪地方良民不少其守分紳衿與殷實良

民恐匪黨挾仇報復實有不能網送之苦徒勒良善紳衿限交於事何益擬請省委武弁前往酌帶親兵先會同地官官督飭紳耆密商購捕之策不詳革押交不絲毫擾累激發其天良使盡心爲我

從公三錄

三

用於事方有實濟

一賊匪行踪無定雖著名有匪地方亦必俟官兵往拏始聚衆抗拒其平時必散處各鄉委員前往緝捕總須探明該匪踪跡離其巢穴分其羽翼乘間截拏

一省委武弁前往各縣每員酌帶親兵由軍需局支發薪水口糧俟到各縣後探得盜匪踪跡約須帶人若干如南番二縣就近向緝捕局撥給壯勇快

艇如在外四縣或向縣營撥兵或向紳局撥練勇總以機密飛速爲主不可張揚遲誤倘縣營局紳不立時撥給或所撥非人致走漏風聲掣委員之肘許該武弁指票惩處

一信賞爲緝捕要着此次省委武弁前往各縣如拏獲尋常斬決斬鼎盜犯於訊認後每名賞銀六兩

如著名大盜稟明破格重賞犯人解府解縣於訊認後立時給發不得短欠其銀交原拏武弁自行

從公三錄

三

分賞兵差練勇

一賞銀係分給兵差練勇其省委武弁如能確著其功首先獲盜十名以上由鄧泰將等專案具稟候補者遇缺卽補實缺者遇缺卽升無論何項人員不能攬奪其缺如一時無缺升補遇有人地相宜之缺准鄧泰將等指票委署其出力局紳耆老亦由鄧泰將等稟請賞給頂戴匾額如獲大起盜犯著名巨匪棍衿稟請破格優獎

一窩庇盜賊之棍衿及盜犯同居共爨之的親父兄

一經訪確卽詳革拘案押交其餘同鄉同族良弱紳衿族長力難管束綱送應予原恕令其密獻購拏之策不可一概株連

一窩庇分肥之棍衿及正身強盜其自己房屋財產應照例查封抄沒入官不必焚燬如起出原班被擒之人應解官傳主認領除由官照章給賞外仍飭事主量力酬謝

從公三錄

卷

從公三錄

三

自應通飭嚴緝以靖萑苻而安閭里合就札飭札到該縣卽便遵照悉心訪查屬內某處爲盜藪某人爲著匪局紳中何人力能擒匪營弁中何人長於緝捕會同商確無吝小費無憚煩勞務將各鄉著名劇盜悉數擒獲盡法懲辦庶餘匪知所警懼盜風自可斂戢經此次札飭以後如再漫不經心因循懈怠本府斷不徇容隱忍貽害斯民惟有揭請

飭各縣嚴緝盜匪札

爲札飭事照得安民必先除盜而除盜以緝捕爲先賊踪之去來視州縣捕務之勤惰倘地方官漠不加察兵役亦從而懈弛必事主報官始會勘詳稟俟隙防限滿卽照例詳奏偶然獲得數匪亦多附從之輩其積猾首要元惡大憝仍屬法外逍遙盜賊旣無憚心匪黨因而日衆本府披閱文報刦案迭出其事主不報者尙不知凡幾似此盜賊充斥捕務甚覺廢弛

購獲巨盜幾名隨時稟覆察核毋違特札

飭各縣嚴懲蠹役札

爲嚴懲蠹役事照得律設衙役以供差遣原不能盡除不用惟若輩倚勢虐民無惡不作每奉一票往往多帶帮役藉端索擾甚至罔陷無辜動輒破家其橫暴情形實屬肆行無忌倘地方官旣未能覺察於先復不免迴護於後爲民父母之謂何問心能無愧乎合亟札飭札到該令務宜隨時約束差役但使有犯立予嚴惩無稍愛惜徇庇庶衙蠹斂迹而所以保全

從公三錄

圭圭

閭閻之身家者不少也該令尙其慎之切切毋違特札

從公三錄

圭圭

瓊山景賢賓興記

郡城西有蘇文忠公邱文莊公海忠介公祠鼎時爲三外緣以垣年久失修余蒞任後葺而新之亦所以

培人心厚風俗也茲瓊邑紳士因三公祠而創景賢

文社余爲倡捐花銀百元並由紳士等妥爲勸捐共得大錢七千串有奇爲賓興費名曰景賢賓興詳議

章程請記於余余因之有厚望焉夫蘇文忠公謫居茲士文教振興越有明而邱文莊公海忠介公繼起

從公三錄

卷

文章氣節皆足千古三公之有功於後學甚大此有志者所爲聞風興起也今景賢賓興之設誘掖獎勸足以維持風化將見此都人士讀書明道追踪先哲必有奉三公爲師表激勵奮興無愧爲天壤間完人以仰副我

國家作育人才之至意者謂非瓊郡之光也哉是爲記

廣州設立講堂記

余聞世運之汚隆係乎世教之盛衰而世教之盛衰由一方而可以及於天下我

聖朝之治媲美唐虞三代

聖祖仁皇帝特頒上諭十六條曉諭八旗及直省軍民人等世宗憲皇帝又尋繹其義推衍其文名曰

聖諭廣訓所以覺世牖民俾斯民不惑於邪說者實與六經四子先後同揆至如道學興於北宋而南宋以後從公三錄

卷

感應陰鷙諸書乘時俱出亦可以輔翼經傳而爲勸善懲惡之助凡厥庶民是訓是行薄海内外萬世由之莫可易也乃斯民遵信奉行久而遂替邇來習尚奢靡風俗澆漓盜賊滋興邪妄並作嗟乎三綱五常之道萬世如一日民之去此而陷溺於邪也謂非長民者之責不可也予來廣州思所以挽回之者用是首先倡捐設立講堂四所延請明白道理聲音清亮之生監文章按日定時透徹講解凡講

聖諭畢繼之以勸善書文往復循環無任間斷並飭各屬

一律舉行共設立一百八十一所從茲以往爲吾民

者沐浴乎

聖朝之化陶淑於勸善之言民志旣端民風自淳詎非官
斯土者之厚幸歟且夫自有天地卽有斯道孔孟以前
在下者非無賢聖也至孔子孟子而始著孔孟以後
亦非無賢聖也至程子朱子而始著論者以爲皆

講習之功所致爲學如是卽爲教如是可知也且也

從公三錄

矣

從公三錄

矣

正論明則邪說自息

聖諭第七條云黜異端以崇正學

世宗憲皇帝廣訓云爾兵民宜祗遵聖教摈斥異端直如盜賊水火今予守是邦目覩斯民之陷於邪辟講堂之設乎豈得已哉抑予爲廣州一府之人心風俗計設立講堂如是之多設若天下之爲守令者因邪說之誣民充塞仁義也皆倣而行之其有俾益於天下之人心風俗豈淺鮮哉予蓋不能不厚望於同志者因

直書所見而爲之記

國朝名文小題讀本重刻序

凡事未有無師法而能有成者經義其一端也而學之先從小題入其始所從入之途尤不可以不慎若從入之途一誤將無以滌發性靈反汨沒其性靈終其身不能出人頭地亦重可憫嘆已予筮仕以來無暇專心於文藝惟是謀士職有難辭思所以爲童子正其趨向而俾之不入於歧途者莫若家叔祖羨門

尙書所輯

從公三錄

四

國朝小題文讀本爲最善爰重加校訂付梓以遺庠序之士嗟乎經義代聖賢立言其義理同於傳註其矩矱亦同於古文前明暨

國朝兩代名臣大儒皆由是出於道未爲不尊也自俗士逐末忘本獵取一切庸濫之作拾其詞藻倣其機調以爲揣摩弋獲之計學者靡然從之由是風氣愈趨愈下而有識之士乃厭薄經義而以爲不足爲固非經義之本來如是也是編爲尙書公制獨時手輯

之本曾刊刻以遺壇人士其文皆原本經術發揮義理而神明於法度誠得此以教子弟天資新異者固可由是以上窺名家之旨趣卽中人之資講明切究亦可不背於小題之程式而望其有成夫師法先正使人不敢薄經義爲末技者學者之務也而地方法官所爲振興文教之事其道亦不外乎是則予之所以是編爲學文者導之先路亦猶尙書公編輯之意也夫

從公三錄

四十一

羊城書院試藝序

重修廣州府志序

書院之設所以育人才廣教化也余曩守廉瓊二郡曾於書院加意考課爲諸生勸去年春權知廣州事廣州人文蔚起甲於通省城內有羊城書院專屬之郡歲一甄別月凡四課生童濟濟麟焉炳焉今年二月復進府屬生童三千餘人而試之取正外附課如額既乃選得文四十篇粹之以爲多士式夫時文雖小道然代聖賢立言舉四子書之精微六經之奧妙從公三錄

四上

子史之菁英漢唐宋古文策論之宏博靡不貫通駁洽乃能闡發精義而不失之膚浮神明法度而不囿於淺隘豈沾沾然掇拾詞藻摹倣機調云爾哉是編所錄均清真雅正不悖先正之旨諸生由此日漸月摩蔚成

國器將人才盛而教化興是則予之所厚望也夫

嘗考周禮春官小史掌邦國之志外史掌四方之志而近世省有通志郡縣有專志編書者皆隸史書地理類蓋省志卽全省之史郡縣志卽郡縣之史也廣州府志向有黃文裕公定本散佚不傳至乾隆二十三年糧道金公烈暨知府張公嗣衍修輯成書共六十卷迄於今又歷百二十餘年竊意此百二十年間水陸之變更城邑之沿革堤防之興廢物產之盛衰從公三錄

四下

與夫賦役之重輕政治之得失及咸豐四年七年之兵燹府屬官紳士民婦女殉難殉節之家皆今日之所有而昔日之所無倘因循歲月不爲修輯至於久而遂廢文獻無徵亦守土者之責也予茲懼焉爰稟陳大憲商同紳士於同治己巳仲冬在省城府學宮開局重修延聘史穆堂少司成李恢垣銓部爲總纂周秩卿司馬等或司分纂或司圖說或司采訪究心舊志續增新事益前人所缺畧廣後日之見聞庶幾

哉他日按籍而稽舉十四屬之輿圖人物展卷瞭然而自乾隆修輯以後廣州百數十年之事蹟燦然悉備所以成一郡之掌故而佐全粵之治理者胥在是矣庚午季秋余受代去任不獲與諸君子朝夕討論而又惓惓於是書之成也謹識其緣起而爲之序

從公三錄

聖西